

ЎЗБЕКИСТОН РЕСПУБЛИКАСИ
ОЛИЙ ВА ЎРТА МАХСУС ТАЪЛИМ ВАЗИРЛИГИ

ФАРГОНА ДАВЛАТ УНИВЕРСИТЕТИ

**FarDU.
ILMIY
XABARLAR-**

1995 йилдан нашр этилади
Йилда 6 марта чиқади

1-2011
ФЕВРАЛЬ

**НАУЧНЫЙ
ВЕСТНИК.
ФерГУ**

Издаётся с 1995 года
Выходит 6 раз в год

С.ЗОКИРОВА

Контрастив, конфронтатив ва чоғиширмада тилшүнослик атамалари хусусида 56

Н.ПАЗЛИДДИНОВА

Сабзавот экинларини ифодаловчи фитонимлар ва уларнинг мавзуий таснифи 61

М.ФОЗИЕВА

Суперсегментал бирликлар тадқиқига доир 65

Ғ.ХОШИМОВ, Ж.ҚОРАБОЕВ

Турли тизимли тилларда ундалма орқали воқелантирилган фразео-гиперболемаларнинг типологияси хусусида 69

ПЕДАГОГИКА, ПСИХОЛОГИЯ**Р.ИСАКОВА, Ф.ОТАЖОНОВА, Н.ХАЙТБАЕВА**

Рус тили ўқитиш жараёнига АҚТни жорий қилиш – индивидуализация, дифференциация ва мустақиллик тамойилларини амалга ошириш 74

Ш.ХОНКЕЛДИЕВ, Д.КАРИМОВ

Спорт гимнастикасида иқтидорли болаларни йўналтиришнинг педагогик технологиялари 77

ИЛМИЙ АХБОРОТ**И.ДЕҲҶОНОВ, М.ПАРПИБОЕВА**

Чет тили дарсларида ўқувчилар оғзаки ва ёзма нутқларида учрайдиган хатолар ва уларни бартараф этиш йўллари 81

Н.ҚЎЛДАШЕВ

Эколоингвистика 84

Д.ҲАСАНОВА, Т.МЎМИНОВА

Навоий сұхбат ва сұхбатдош ҳақида 87

АДАБИЙ ТАҚВИМ**Ҳ.ЖЎРАЕВ**

Тотувлик, тенглик ва диний бағрикенглик тараннуми 89

Н.УМАРОВА

Алишер Навоий достонларида ҳалқ билан мулоқот ва инсон манфаатлари масаласи 93

ФАНИМИЗ ФИДДИЙЛАРИ**ВОДИЙНИНГ ЗАБАРДАСТ ОЛИМИ** 96

ТАҚРИЗ. БИБЛИОГРАФИЯ**Библиография** 99

ҚУТЛОВ**Ғолиблар аниқланди** 101

УДК: 8+409.3

ЭКОЛИНГВИСТИКА

Н.Қўлдашев

Аннотация

Мақолада ўзбек эколингвистикасининг ҳолати, ушбу соҳага жамият ҳаётининг турли соҳаларига оид жиҳатлари тадқиқ этилган.

Аннотация

В статье исследуются аспекты состояния узбекской эколингвистики, а также особенности различных сфер общественной жизни по данной тематике.

Annotation

In the article the aspects of the Uzbek ecolinguistics conditions, as well as on the subject features relating to different sectors of society are considered.

Таянч сўз ва иборалар: ижтимоий экология, эколингвистика, вулгар сўзлар, жаргон сўзлар, андроцентризм.

Ключевые слова и выражения: социальная экология, эколингвистика, вульгаризмы, жаргонизмы, андроцентризм.

Key words and expressions: social ecology, ecolinguistics, vulgarisms, slangs, androcentrism.

Ўзбекистон истиқлолга эришгач, илм-фанинг барча соҳаларида туб ўзгариш ва янгиланишлар даври бошланди. Бу жараён филология соҳасида ҳам фаол кечмоқда. Ҳозирги кунда “ижтимоий экология”, “эколингвистика” деб аталувчи лингвистиканинг мустақил соҳаси тадқиқотчилар эътиборини кўпроқ тортмоқда. Ижтимоий экологиянинг ўрганиш обьекти эса экология ижтимоий муҳитга, ижтимоий муҳит эса жамиятдаги тилнинг ўзгаришига сабаб бўлади. Айнан шу ҳолатлар илмий жиҳатдан кенг изоҳланиши билан боғлиқ. Зеро, Республикализнинг биринчи Президенти И.Каримов таъкидлаганидек: “...ўз она тилини билмаган одам ўзининг шажарасини, ўзининг илдизини билмайдиган, келажаги йўқ одамdir” [1].

М.А.Ковязинанинг таъкидлашига кўра, замонавий илм-фандада «экология» тушунчаси жуда кенг планда талқин қилинмоқда. Бугунги кунда экология фани юзлаб соҳа ва йўналишларни ўз ичига қамраб олган комплекс фанлар тизимиға айланиб бормоқда. Эътиборлиси, унинг энг камида ўттиздан ортиқ тури ва бўлими биология фанига тааллуқли эмас. Натижада, экология XXI аср бошларига келиб интегратив характер касб эта бошлади. У табиий, ижтимоий-гуманитар ва бошқа қатор фанлар билан ўзаро аралашиб, ўнлаб тармоқларга бўлинниб кетган ва ўз ичига 12-14 мингга яқин тушунча ва атамаларни

қамраб олган [2]. Масалан, биргина «экология» сўзи ёрдамида сўнгги йилларда экологик мувозанат, экологик бурчак, экологик таълим, экологик муаммо, экологик кузатишлар, экологик маданият, экологик тоза ёқилғи, экологик фожиа, экологик хавфсизлик сингари бир қанча бирикмали атамалар кундалик ҳаётга кириб келди ҳамда бу атамалар тилимиз луғавий тизимидан мустаҳкам ўрин олди.

Бугун экология сўзини нафақат мутахассислар, балки олимлар, касб-хунар эгалари, журналистлар, ҳукуқшунослар, тилшунослар оддий одамлар ўзаро мулоқотларида тилга олишади, давлатнинг расмий ҳужжатларида қайд этилади. Хуллас, ҳозирда ижтимоий экология сўзи жуда кенг маънода кўлланилмоқда.

Энди оламга экологик нуқтаи назардан қарашда нафақат инсон фаолиятининг атроф-муҳитга таъсири оқибатларини, балки атроф-муҳитнинг инсонга кўрсатадиган таъсирини эътиборга олиш ҳам назарда тутилади. Бу жараён ўз навбатида тилга ҳам ўз таъсирини кўрсатмай қўймайди. Ушбу ҳолат эколингвистикани вужудга келтиради. Яъни жамиятнинг тил экологиясига бўлган муносабатини назарда тутади. Умуман олгандা, эколингвистика сотциолингвистиканинг таркибий қисми бўлиб, ўёки бу тилнинг дунё тиллари билан экологик нуқтаи назардан муносабатини, ўша тилнинг жамият экологик тизимида тутган ўрнини ўрганиш билан шуғулланади.

Г.Я.Солганикнинг фикрича, тилдаги антропцентризм, мулоқот

Н.Қўлдашев – ФарДУ бошлангич таълим услубиёти кафедраси
ўқитувчisi.

жараёнида вульгар сўзлар, жаргонлар ва арголардан фойдаланиш меъёрлари, тилнинг ахлоқий-маданий омилларини тадқиқ этиш билан сотциолингвистиканинг таркибий қисми бўлган эколингвистика ҳам шуғулланиши лозим [3].

Сўнгги йилларда жаҳон тилшунослигига Э.Хауген, У.Маккей, А.Филл, П.Финке, В.П.Григорев, С.И.Виноградова, Ю.Н.Караулов, В.К.Журавлев, В.Г.Костомаров каби олимлар эколингвистика соҳасида салмоқли ишларни амалга ошириллар. Шу орқали жаҳон тилшунослигига ўзига хос эколингвистик концепциялар ҳам вужудга келди. Шулардан бири француз тилшуноси Л.Ж.Калвенинг “Тил галактикаси” номли назариясидир. Бу назарияга кўра, дунё тиллари гипермарказий, супермарказий, марказий ва перифериядаги тилларга бўлинади. Жамиятда вужудга келадиган ўзаро лисоний, эколингвистик зиддиятлар давлат, жамият, халқаро ташкилотларнинг биргалиқдаги фаолияти натижасида ҳал этилиши лозим. Шундай қилинганда, жамиятда супермарказий ва марказий тиллар билан бир қаторда перифериядаги (марказий тилдан қўйида) тилларнинг ҳам жамият иқтисодий-сиёсий ҳаётидаги салмоғи ортиши мумкин.

Ҳозир дунё тилшунослигига эколингвистиканинг асосий муаммолари сифатида қўйидагилар кўрсатилмоқда:

- жамиятдаги лисоний турли-туманлик, унинг сабаблари;
- йўқолиб кетаётган кичик тиллар ва уларни сақлаб қолиш билан боғлиқ муаммолар;
- жамиятдаги тилларнинг ўзаро биологик, экологик ва лингвистик муносабатлари;
- жамиятнинг экологик тизими билан боғлиқ ҳолда тилда янги экологик элементларнинг вужудга келиш омиллари;
- жамият аъзоларини экобилимга ўрганиш шакллари ва кўринишлари;
- тил мафкураси ва жамият аъзоларининг мулоқот жараёнини экологик жиҳатдан мувофиқлаштириш муаммолари [4].

Бу ўринда тил экологияси муаммоларининг ташқи ва ички омиллар билан боғлиқ жиҳатлари ҳам инобатга олиниши лозим.

Масалан, ҳозирги ўзбек адабий тилида қариндошлиқ муносабатини билдирувчи “ота” маъносини англатиш учун учта сўз (ота, дада, ада) қўлланади. Булардан “ота” сўзи илгари қўпчилик диалект ва шеваларда, жумладан, қипчоқ лаҗасида ҳам фаол қўлланар эди. Ҳозирги адабий тилда худди шу маънони ифодалаш учун “дада” сўзидан ҳам тез-тез фойдаланилади. Бу сўз адабий тилга шаҳар ёки шаҳар тип шеваларидан кирган. Ҳозирги адабий тилда “ада” сўзи ҳам мавжуд бўлиб, асосан, Тошкент шаҳар шевасида фаол қўлланади.

Ёки қипчоқ диалектларидан адабий тилга чорвачилик, пахтачилик, ғаллачилик соҳаларида пайдо бўлган жуда кўплаб лексик, фразеологик бирликлар кириб келган. Масалан, ҳозирги адабий тилимизда, жумладан, вақтли матбуот саҳифаларида дастлаб чорвачилик ёки от билан боғлиқ бўлган шундай турғун бирикмалар учрайди: *отни қамчиламоқ, отга қамчи босмоқ, улоқни олиб чиқмоқ, совринни эгалламоқ, маррага етмоқ, от айланиб қозигини топар, от солмоқ, қоралаб бормоқ, бостириб ўтмоқ, ўзиб кетмоқ, жиловини бўш қўймоқ, от изини той босар, от -ийигитнинг қаноти, қўй келади қўзи билан, семизликни қўй кўтаради, чилвирни бўшатмоқ, тушов бўлмоқ* кабилар. “Зоминнинг тил қомуси” муаллифлари ҳам ўша худуддаги нутқий мулоқот учун характерли бўлган “желка томири жувон”, “желкасидан мўри очиш”, “жони ҳайгалак отиш”, “дабгиридан одошиши”, “гудрдаси ўйқ”, “бели бувувли”, “болтаси тошқа тийди” сингари бир қанча диалектал ибораларни келтириб, уларни аср-авайлаш, худудий иборалар луғатини тузиш ҳақидаги амалий таклифларни ўртага ташладилар. Шунингдек, “суё”, “ҳаво”, “тупроқ”, “ер”, “сўз”, “тил”, “нутқ одоби” каби сўзлар билан алоқадор бирикмали атамалар, иборалар, мақоллар ҳам тилимизда фаол қўлланади ҳамда уларнинг барчаси ўзаро мулоқот жараёнида тилни соғ, тоза сақлаш, ундан ўринли, мақсадга мувофиқ фойдаланишга доир ўзига хос эколингвистик қарашларнинг шаклланишига сабаб бўлди. Мазкур қарашларнинг тарихи жуда узоқ бўлиб, Абу Али ибн Сино, Абу Райхон Беруний, Маҳмуд Кошғарий, Алишер Навоий, Заҳириддин Муҳаммад Бобур сингари буюк алломалар меросига бориб

тақалади. Масалан, адабиётшунос X.Жабборов ва С.Олимовнинг кузатишлари шуни кўрсатадики, тилимизда “сув” асоси билан ясалган 468 та лексема, 60 дан ортиқ ибора, 420 та мақол ва матал фаол қўлланади ҳамда улар муроқот жараёнида сувдан тежамли, оқилона фойдаланиш билан боғлиқ экологик қарашларни

ифодалаш учун хизмат қиласди [5]. Ана шундай тил бойлигини асрраб-авайлаш, уларни адабий тил мулкига айлантириш, луғатлар таркибига киритиб, изоҳлар билан таъминлаш ҳар бир тилнинг, жумладан, ўзбек эколингвистикасининг ички экологик муаммолари қаторига киради.

Адабиётлар:

1. Каримов И.А. Ўзбекистон мустақилликка эришиш остонасида. – Тошкент: Ўзбекистон, 2011. – Б. 69.
2. Ковязина М.А. Экология: наука и терминология // Языки профессиональной коммуникации. Материалы международной научной конференции. – Челябинск, 2003.
3. Солганик Г.Я. О новых аспектах изучения социолингвистики // Вестник Московского университета. Серия № 11
4. Кислицына Н.Н. Эколингвистика – новое направление в языко знании [Электронный ресурс]. – URL: <http://www.crimea.edu/tnu/magazine/culture/culture37/part1/zip/kislitsina.zip> (дата обращения: 09.05.2010).
5. Жабборов Х. Ўзбек тилида сув лексемасининг лугавий-маъновий хусусиятлари. – Қарши: Насаф, 2005.

(Тақризчи: С.Мўминов, филология фанлари доктори, профессор).